

SIUNNERSUUT

KOMMUNEMUT PILERSAARUMMUT TAPILIUTSSAQ
4B7-1, NIAQORNANNGUAQ, NUUK
AGGUSTI 2021



KOMMUNEQARFIK SERMERSOOQ

Sanarfinermut Avatangiisinullu Ingerlatsivik
Forvaltning for Anlæg og Miljø

KOMMUNEMUT PILERSAARUMMUT TAPILIUSSAQ SUNAAVA?

Kommunimut pilersaarummut tapiliusseq tassaavoq ingerlaavartumik suliarineqartartoq, taamaattumik kommunalbestyrelse Pilersaarusiornermut inatsit naapertorlugu (Pilersaarusiorneq aamma nunaminertat atorineqartarnerat pillugit Inatsisartut inatsisaat nr. 17, 17. novembari 2010-imeersoq) pisussaavoq, kommunimut pilersaarut pisariaqartutigit malinnaatitsissalluni. Taamatut malinnaatitsisarnermi pilersaarummut tapiliussamut attuumassutilimmik pilersaarummi allannguuteqartoqartillugu imaluunniit ilanngussisoqartoqartillugu ingerlaavartumik isumagineqartarpoq.

Taamaalilluni Kommunilbestyrelse kommunimut pilersaarummut tapiliussamik nunaminertamik atuinissamut illunullu tunngasunik aalajangersagartallimmik sukkulluunniit suliaqarsinnaatitaavoq. Tamatuma saniatigit Kommunilbestyrelse sukumiisumik aalajangersagartallimmik kommunimut pilersaarummut tapiliortussaataavoq:

- Nuna tamakkerlugu pilersaarusiornerup kommunillu pilersaarusiornerata piviusunngortinnissaanut qulakkeerinninnissaq pisariaqaraangat.
- Sanaartugassanik imaluunniit sulianut annerusunut pingaaruteqartunulluunniit nunaminertamik atugassiinnginnermi.
- Sanaartukkanik anginerusunik pingaaruteqarnerusunilluunniit ingutserilinnginnermi.

Kommunimut pilersaarummut tapiliusseq marlunnik imikkoortortaqrpoq, **nassuiaatitaa** aamma **aalajangersagartaa**.

- **Nassuiaammi** kommunimut pilersaarummut tapiliussami siunertat inatsisitigullu sunniutit aamma pilersaarut pilersaarusiornermut allanut sanilliullugu qanoq inissisimanersoq nassuiarneqarput.
- **Aalajangersagartaa** aalajangersakkanik pilersaarummi piviusunngortitsinermi malinnaatitsissutigineqartussanik imaqrpoq. Aalajangersakkat marlunngorlugit avitaapput, aalajangersakkat pingarnerit aamma aalajangersakkat sukumiisut. Aalajangersakkat tamarmik inatsisitigit pituttuisuupput taamaattorli pissutsit ilaanni aalajangersakkanit sukumiisunit immikkut ittumik akuersissuteqartoqarsinnaavoq. Tamatuma saniatigit aalajangersagartaa inatsisitigit pituttuisunik ilanngussanik nunap assitaqrpoq.

TAMANUT SAQQUMMIUSSAQ

Kommunimut pilersaarummut tapiliussap inaarutaasumik akuerineqannginnerani kommunalbestyrelsip tapiliussassatut siunnersuut tamanut nalunaarutigissavaa, taamaalillutik innuttaasut soqutiginnittullu allat pilersaarutip imarisaanik paasiniaasinnaatillugit immaqalu aamma pilersaarut pillugu oqaaseqaateqarsinnaallutik akerliussuteqarsinnaallutilluunniit. Tamatuma kingorna pilersaarutip inaarutaasumik akuersissutigineqannginnerani Kommunilbestyrelsip akerliissutaasinnaasut allannguutissatullu siunnersuutaasinnaasut nalilersussavai.

Siunnersuut Kommunimut pilersaarummut tapiliusseq 4B7-1 pillugu tusarniaassutigineqarpoq piffissami 29. septembari 2021 - 24. novembari 2021. Oqaaseqaatit kingusinnerpaamik 24. novembari 2021 uunga nassiuunneqareersimassapput:

PLAN@SERMERSOOQ.GL

PILERSAARUT SUMI PISSARSIARINEQARSINNAAVA?

Pilersaarut Nunatta Atuagaateqarfiani atuarsinnaavat, kommunip nittartagaani aaneqarsinnaavoq kp.sermersooq.gl, kommunip innuttaasunik sullissivianut imaluunniit Sanarfinermut Avatangiisinullu Ingerlatsivimmumut, Kuussuaq 2, Nuuk saaffiginnillutit pissarsiarisinnaavat, oqarasuaat 36 74 00.

IMARSAI

1. NASSUIAAT	4
1.1. PILERSAARUTEQARFIUSOQ	4
1.2. SIUNERTAT	5
1.3. PISSUTSIT PIOREERSUT	6
1.4. PILERSAARUMMI PINGAARNERIT	7
1.5. PILERSAARUSIORNERMUT ALLANUT SANILLIULLUGU INISSISIMANERA	13
1.6. PILERSAARUMMUT TAPILIUSSAP INATSISITIGUT SUNNIUTAI	15
2. AALAJANGERSAKKAT	16
3. AKUERSISSUTEQARNERMI ATSIORNERIT	24
4. ILANNGUSSAQ 1-3	25 - 27

KPT 4B7-1 kommunep aamma suliffeqarfiup Dykkerfirmaet Masik suleqatigiinneratigut, taassumalu siunnersortaa: arkitekt thomas riis aps peqatigalugu suliarineqarpoq.

Nunap assinga: Asiaq assinik pilersuivianit

Sumi assit, titartakkat, nunap assingi aamma assini allassimasoqanngikkaangat: arkitekt thomas riis aps.

1. NASSUIAAT

Inatsisartut inatsisaat nr. 34, 9. decembari 2015-imeersoq 2016-imi januaarip ulluisa aallaqqaataanni atuutilerpoq. § 45 a. Kommunimut pilersaarummut tapiliussatut siunnersuuteqartoqannginnerani Kommunalbestyrelsip qinnuteqartumut nunaminertamik ukiut marluk tikillugit inniminniisinnatippaa. Taamatut pisoqartillugu, nunaminertamik atugassiisoqarneranik nalunaarutiginnittoqarpat, qinnuteqaateqartup kommunimut pilersaarummut tapiliussap suliniutip qinnuteqaatigineqartup ajornarunnaarutissaanik pissarsiarineqarnissaa nammineq akilissavaa.

Suliniummik qinnuteqaat tunngavigalugu Kommunalbestyrelse 2021-imi juunimi Illoqarfimmi ineriartortitsinermik Nuummi atortussiassanik suliaqarfik-mut nunap ilaata 4B4-2-p ineriartortinneqarnissaanut nunaminertamik nalunaarutiginninniarluni aalajangerpoq. Matumani kommunimut ilanngussami 4B7-1 nunap ilaata atorineqarnissaanik siunnersuummik tunngaveqarpoq.

1.1 PILERSAARUTEQARFIUSOO

Nunap ilaa nuggersimaneqarluni, sineriaavoq timmisartoqarfiullu avannaata kangia nunartaralugu, parnaarussiviup avannaatungaani inissisimalluni.

Piffik pineqartoq hektaarinik arfineq marluusunik nunaminertaavoq.

Piffik marluusunut agguataarneqarpoq, A 5,1 hektaarinik annertutigisoq mamma B 1,7 hektaarinik annertutigisoq. Taakku saniatigut nunanngortitinissamut periarfissaqalissaaq talittarfiliorfissamik 4 miiterinik imarmi itissusilimmi. Nunanngortitsivimmi maanna nunap sinaanit talittarfiliornikkut uuttortaanerit naatsorsuutigineqarsinnaapput 0,5 hektaariusinnaaneranik, tamannali nunap sinaaninnaanniit avammut immap itissusaanik uuttortaasoqarsimanninnerata nalorninartoraqartissinnaavaa.



1.2 SIUNERTAT

Pilersaarusiaavoq areali inuussutissarsiutunik suliaqarnermi atorneqartalermissaa.

Atortussiassanik suliaqarfittut sumi sioqqanik, ujaqqanik tulaassiffittut, ujaqqanik aserorterivittut immikkoortiterivittullu aamma suliat assigiinngitsunik ilisiveqalernissaanik pilersitsisoqarnissaa pilersaarutaavoq.

Kommunemut pilersaarummut tapiliussamut arealit atorneqarnissaanut tunngavilersuutaasut makkuupput:

- talittarfiliorneq piffimmi nalimuattumi immap itissusaa taliffissatut tulluarsagaq,
- nalimuattuliaq toqqissumik natilik suliassanik sulliviusinnaasoq, aserortigassanik suliaqarfiusinnaasoq aamma immikkoortiteriffiusinnaasoq,

- nalimuattoq areali, piffinni aalajangersimasuni immikkortitigaq talulersorlugu iigartalersugaq suliassanik immikkoortitikkanik inissiivissaliaq,
- piffimmiit aqquserngiorneq maanna aqqusinioreersumut atassutilerlugu aamma
- sanaartukkat ilaannut toqqissumik natiliorneq suliassat piffimmi apeqqutaatillugit.

Taakkua avataatigut periarfissiisoqassaaq sapsusiaagaluartup nutaamik aqquserngiornermi peerneqarnissaa/pisariaqartikkuunnaarnissaa.

Pilersaarut suliarineqassaaq suliassap qinnuteqaat tunngavigalugu, tassani arealimik inniminniineq qinnutigineqarsimasoq ingerlatsivimmut tunniunneqarneratigut, tassanngalu pilersaarutaavoq suliassap arealimik atuinissamut periarfissiineq.

1.3 PISSUTSIT PIOREERSUT

Qaqqat nuisaannartut aamma saanngutallit inuussutissakitsut agguataarneri naligiipajaarput kvote 25 tikillugulu qattunerasaarluni. Naasoqarneq avannaatungaanut sammisoq piffimmi akuttullunilu peqarpiangilaq.

Piffimmiit kujataatungaanut sammisumi meterit 100-t tikillugit nuna inuiaqatigiit sunngiffimmini peqqissarlutik nuummiit kuanninnguillu akorngini aqqusaartortarsimasaat maanna pinerlussimasut inissiisarfiata sanaartorneqareernerata paassaasiviullu toqqorsiviup aqquserngioreernerata kingorna nunakkut aqqusaartut kujasinnerusukkat Quassussuakkut angalasalersimapput. Sanaartorfigiuminarsalernissaata tungaanut oqaluttuarisaanermi piffissamiluunnit qaninnermi piffimmi annerusumik taasariaqakkatut pisoqartarneranik ilisimannittoqanngilaq.



Piffik avannaanit isikkua. Saamiatungaani takuneqapajaarsinnaavoq qaarterinermi atortunik inissiivimmut aqqusinertaq aamma satellitinut antenneqarfissamut sanaartorneq, qeqqani eqqartussanut isertitsivik, talerpiatungaani manissortalialt assigiiat tassaallutik savimminernik ilioraaviup sioqqanik qallersorsimaffii.



Kujataaninngaanniit piffiup isikkua. Sanaartorfigiuminarsaariigaq imermik pilersuinermi illuaraata missaa tikillugu nikisinnagu, tassangalu aqquserngiorluni inississukat piiarneqartariaqassapput nutaamik nunap sinaanut apuuttussamik aqquserngiortoqassammat.



Piffimmi naasoqarneq, juni 2021. Saanngut tamani amerlanerni saattuunerupput piffimmilu inuussutissakilluni.

1.4 PILERSAARUMMI PINGAARNERIT

PILERSAARUMMUT NASSUIAAT

Kommunemut pilersarummi ilassut suliarineqarpoq Dykkerfirmaet Masik-p suliasamat pilersaarummik qinneteqaataa tunuliaqutaralugu, tassani sioqqanik ujaqqanillu tulaassiffissamik, issoraaffissamik, suliaqarfissamik, immikkoortiteriffissamik inissiisarfimmilu pilersitsinissamik kissaataavoq.


Suliaqarfissaq ukunannga piuvoq

- tulaffissaq sumi umiarsuit aamma umiaasat useqarsinnaasut atortussiassanik tulaassuiffigisinnaasaat aamma issoraaffigisinnaasaat,

- ammasumi ilioraaffissaq manissoq sumi suliasat assartuiffigisinnaasaat, suliarineqarfigisinnaasaat aamma immikkoortiterfigisinnaasaat,

- piffimmi talulersorlugu sumi suliasat inissiiffigigallarfissat immikkoortitikkani assigiinngitsuni,

- sanaartukat toqqorsiviusinnaasut, garage-, sannatinik-, aamma sulisut inaat allaffissorlunilu atugassatut illut.




Sanaartorfissaq qulaanit takullugu:


1: Aqqut nutaaq qipisortalik kote 6-imut ingerlasoq.

2: Tulattarfik kangimut sammisoq immikkortiterinermi A-mi inissitami.

- 3: Atortussiassanut arealet suliassanik tigooraavissat immikkoortiterivissat aamma aserorterivissat.
- 4: Suliassanik inissiisarfii assigiaarneri malillugit immikkoortitikkat.
- 5: Tulattarfik avannamut sammisumi immikkoortiterinermi B-mi inissitami
- 6: Suliassanik suliaqarfik aamma inissiigallarfik.
- 7: Sanaartorfissaq 1
- 8: Sanaartorfissaq 2
- 9: Sanaartorfissaq 3



Suliaqarfik immap tungaanik isigalugu. Piffimmi immikkoortortaq 1 - talerpiatungaa siullertut tikiffissaa qipisortalimmik aqquserngiorneq, tulattarfik kangimut sammisoq aamma atortussiassanut angisuunut piffik aamma suliassat inissiisarfissanut piffik. Taakku inissereeriarpata piffimmi immikkoortortaq 2 atorneqalissaaq sumi avannamut sammisumik tulattarfilioqqinnikkut suliassanillu suliaqarfiit inissiisarfii illu ilaartornerisigut.



Sanaartorfissaq kujataatungaani isigalugu

Pilersaarutaasut ilagivaat piffik tamakkiingajattoq qaartiterlugu areali manissoq 3-7 meterit immap ulinneq/tinneq akornnganni killinganit inissisimassasoq.

Piffiit immernerisigut nunanngortitsinikkut toqqasumik tulattarfiliortoqarsinnaavoq sumi tininnganeramni immap itissusaa 4 meteriusumi.

Piffimmut pilersuiffissatut 5 meterimik silissusilimmik annerpaamik 11 %-imik singassusilimmik aqquserngiortoqarsinnaavoq

Sanaartukkat suliassanut tulluarsakkanik sumi garageat, sannavik, inissiisarfik, allaffissornikkut aamma sulisut atugassaasunik pilersitsisoqarsinnaavoq.

ILLULIORTAASEQ

Kommunalbestyrelse illuliortaatsimik politikkimik aalajangiinikuuvoq, naleqartitat naapertorlugit kommunemi nutaanik sanaartornermi atorneqartussatut maleruagassanik.

Piffimmi pilersaarutaasumi attuumassuteqangaatsiartutut naleqartitat ilagisaat marluusut tassaapput:

- Illoqarfimmi inuiaqatigiit ukiumikkut inuunermi sumiikkaluarunilluunnit illoqarfimmi inissai biilit inissaanit pingaartinneqarnerupput.
- Nunap ilaa pioreersoq piffimmi silap pissusaanik atugaasut malillugit sanaartorneq pilersaarusiornermi malinneqartassasut.

Sanaartorfiusumi illuliat immikkuutaartuisa imatut illulioriaatsimigut naleqangaartinneqarnissaat ilimanaateqanngilaq amerlasuulli ilimanarpoq ujaqqat sioqqallu eqimattannguussortut pimigut qalipaatiigullu assigiinngisitaarneri nunap ilaalertussat immikkuullarinneri naleqartissavaat.

Atortussiassanik suliassaqarfiliornikkut illoqarfimmi usisaatit atorlugit ujaqqanik aamma sioqqanik angallassinertit ikilisissavaat.


Sanaartorfik piffimmi pissusissamisut inissiffissatut periarfissaasuni pitsaanerni pilersinneqassapput: Talitartarfik avannamut sammisoq taamaasillunilu Davis Strait-imit qaffianerinit aamma nigermit pitarneqarani inissiffia piffimmilu immap itissusaasa talitartarfiornissamut tulluurtut sumilu pilersitaareersunik sunngiffimmi peqqissarfittut naleqassuseqanngilaq.

NUNARSUARMÍ ANGUNIÁKKAT

Kommunalbestyrelsep 2019 aallartinnerani isummiuppaa FN-ip piujuartitilluni ineriartotitsinissamut siunertat arfineq-pingasut ukkatarineqalissasut. Kommunimut pilersaarummut ilassummi tallimaasut pingaartumik attuumassuteqarput ukuullutillu: vedtog i begyndelsen af 2019, at der skal fokuseres på 8 af FN's bæredygtighedsmål. Kommuneplantillægget er særligt relevant for fem af disse:

ANGUNIAGAQ		QANOQ
	ANGUNIAGAQ 8: SULIAQ NAAMMASINARTOO KIISALU ANINGAASAQARNIKKUT SIUARIARTORNEQ	Pilersaarummut ilassummi piviusunngortinneratigut nunami tamaanngaanneersunik suliffissanik pilersitsisoqassaaq sanaartornermilu atortussanik nunatsinninngaanneersunik akikinnerusunik ajornannginerusumillu pissarsisoqarsinnaalissaaq.
	ANGUNIAGAQ 9: SULIFFISSUAQARNEQ, NUTARTERINEQ ATTAVEQARNERLU	Atortussanik suliaqarfik pilersaarummi ilassummiittoq periarfissiissaaq tuapaanik pilersuivimmik suliaqarfimmik inissiisarfimmillu nunatsinni pilersitsinissaaq.
	ANGUNIAGAQ 11: ILLOQARFIIT INUIAQATIGIILLU ATAJUARSINNAASUT	Immamit atortussanik suliaqarfik inissiisarfillu piffimmi pilersinneratigut nuup aqquserngani usisaatinik dumberinillu angallassinert km-ererpasuarnik annikilliserujussuassavai angallanneruussuarlu sioqqanik tulaassivigisartakkamut oqilisaalluni. Illoqarfiup ungasinngisaani qaartiterinerit nipinik pujoralannillu pilersitsisartut immamit atortussanik atuinikkut annikillissavai.

	<p>ANGUNIAGAQ 12: AKISUSSAASUMIK ATUINEQ TUNISASSIORNERLU</p>	<p>Atortussanik suliaqarfiliorneq piviusunngortinneratigit nunami maaniittut atortussianit pitsaasunik beton-iliornermi aquserngiornernilu pissarsiaqarsinnaalissapput, taakkumi ninngunerullutillu ataannarsinnaaneri sivisunerummata.</p>
	<p>ANGUNIAGAQ 13: SILAP PISSUSAANUT SULIAQ</p>	<p>Pilersaarummut ilassutit piviusunngortinneratigit sanaartortunut sulisunullu periarfissiivoq piffimmi qanittumi atortussianik suliaqarnermik pissarsiaqarsinnaanermillu. Atortussat ilaasa ullumikkut avataanit eqqussorneqartartut taarsissavai allallu ullumikkut illoqarfiup ungasinngisaaniit qaartiterinikkut aaneqartartut taarsissallugit. Assartuinikkut pilersuinikkullu sunniipiluutit tamarmik silap pissusaanut ajortisaarinernut annikillisaanermik kinguneqassapput.</p>



Aaljangersimasumik sanaartorfiliornikkut aamma toqqorsiviliornikkut atortussiassanik immap naqqaniit aasimasanik atuilluinnarnermik periarfissiissaaq ammaassillunilu ullumi Nuummi qaartitikkaniq ujaraaqqanik pitsaassusaanniit ajunnginnerusunik pissarsisinnaalernissaq.

Nunami atortussiassanik assartuinerit annikillinerussapput najugaqarfillu akorngini dumperit usisaatillu atorlugit angallannerit nungutinneqarsinnaallutik.

Granit asfaltiornermi atorneqartartoq piffimmiit qanittumi aaneqarlunilu suliarineqarsinnaalissaaq avataaninganniillu eqqussuukkunnaarluni.

1.5 PILERSAARUSIORNERMUT ALLANUT SANILLIULLUGU INISSISIMANERA

1.5.1 NUNA TAMAKKERLUGU PILERSAARUSIORNEQ

Pilersaarummut tapiliussaq nuna tamakkerlugu pilersaarusionermut naapertuuppoq.

1.5.2 KOMMUNIMUT PILERSAARUT

Pilersaarummut tapiliussaq kommunimut pilersaarummut atuuttumut naapertuuppoq.

1.5.3 QANGANISAT

Nunap ilaani qanganisaqartoqarneranik Kommuneqarfik Sermersuumi ilisimasaqartoqanngilaq. Piffimmi nunamik suliaqarneq Inatsisartut inatsisaat nr. 11, 19. maj 2010-meersoq Eqqissimatitsinermik aamma allatigut kulutrikkut eriagisassanik kulturikkut kingornussassatut illersuineq pillugu Kommuneqarfik Sermersooq-p ilisimaarivaa.

1.5.4 AVATANGIISIT

Assaasoqarnerata nalaani piffimmi mingutsitsinermik paasisaqartoqassagaluarpas tamanna Kommuneqarfik Sermersooq Avatangiisinut Immikkoortortaqaqarfiimmut ingerlaannaq ilisimatitsisoqassaaq.

Eqqakkat navianaatillit soorlu issoq uuliamik mingutsinneqarsimasoq kommunimi eqqagassalerinermut malittarisassat aamma suliaqarfik pillugu inatsisit naapertorlugi ilisimatitsisoqassaaq.

1.5.5 TEKNIKKIKKUT PILERSUUTIT

Sanaartukkat nutaat pisortat innaallagissamut imermullu aqquataannut aamma eqqakkat aqquataannut periarfissaqartillugu taakkununnga attavilerneqassapput.

Pilersuutit nunamut assanneqassapput.

Nunap ilaani teknikkikkut atortulersuutit soorlu transformaatoriisiviit pilersuutit piffimmi atugassatut inissinneqarsinnaapput. Transformaatoriisiviit Nukissiorfiit aamma Kommuneqarfik Sermersooq isumasioqatigalugu inissinneqassapput.

Kiassarneq

Nunap ilaani sanaartukkat Nukissiorfiit piffimmut pilersuinermit malittarissat malillugit attavilersorneqassapput.

Eqqakkanut aqquilersuineq

Sanaartugaq pisortat eqqakkat aqquataannut attavilerneqassapput eqqakkanut aqquilersuinermit pilersaarut malillugu. Nunap ilaani aqquataareersut sanaartorfigiuminarsarnerani pioreersunik allannguisoqassappat arealimik akuersissuteqartup aningaasartuutit isumagissavai tamannali Kommuneqarfik Sermersooq najoqqutassiai malinneqassapput.

Nunap qaavata ernga, tassunga ilanngullugit qaliat qaavanit kuuttut, eqqakkat aqquataannut ingerlatinneqassanngillat kussianut ingerlatinneqassallutik, piffimmi ajoqutaanngitsumik sanaartukkat akorngini, pisinnaat aqquataanni, aqqusinerni nunaminertanilu sanaartorfigineqanngitsuni akornutaanngitsumik.

Eqqagassanik eqqaaneq

Piffimmi Kommuneqarfik Sermersooq eqqagassanik eqqaanermi aqqissuussassinermi malittarisassanut atuuttunut piffissani tamani ilaavoq.

Aputaajaasarnerit apummillu allamukaassuisarnerit

Piffimmi inuussutissarsiuutigalugu ingerlataqartup/tut aqqusinernik suliffeqarfiup isumannaatsuutilugu aputaajaasarnerit pinartoqartillugulu biilit atugassat ajornanngitsumik tikissinnaasunngorlugit isumaginnissaq. Pisortat piumasaqassappata tamakkununga tunngasunik pisariaqartitsinikkut Kommuneqarfik Sermersooq isumasioqatigiinnerasigut pisassapput.

Sanaartorfigiuminarsaanernut aningaasartuutit

Piffimmi sanaartorfigiuminarsaanernut aningaasartuutit peqataasunit agguarneqarlutik akilerneqassapput.

Angingaasartuutit sanaartorfigiuminarsaanernut Masik-iup i forbindelse med byggemodning i henhold til realisering af Masiks pilersaarutaanut attuumassuteqartut, tamakkiisumik Dykkerfirmaet Masik-mit piginnittunit akilerneqassapput.

1.5.6 PILERSAARUTINIK TAAMAATITSINEQ

Pilersaarummut isummiussinermi allakkami uani siunnersuusiami kommunimut pilersaarummut ilassutit 4B4-2 akuersaaneratigut avannaatungaani pingajorarteutaasumi immikkoortortat KPT 4B4-1-iittut aalajangiinerit siuliiniittut piffimmi atorunnaarsinneqassapput. Siunertaq - inuussutissarsiuut - allanngortinneqanngilaq

Piffimmi kangiata nalaa KPT 3E5-4, timmisartoqarfiup nalaa, immikkoortoq G malillugu malittarisassaqqarpoq. Tassani piffimmi inuussutissarsiuutiliorfissatut qaarterivissatullu inissitat allanngoratillu piujunnaartinneqanngillat.

1.5.7 TAMANUT SAQQUMMIUSSINEQ

Siunnersuut sapaatit akunnerini arfineq-pingasuni tamanut tusarniaassutigineqarpoq piffissami 29. septembari – 24. novembari 2021.

1.6 PILERSAARUMMUT TAPILIUSSAP INATSISITIGUT SUNNIUTAI

1.6.1 UTAQQISAANNAAGALLARTOQ INATSISITIGUT SUNNIUTIT

Kommunimut pilersaarummut tapiliussatut siunnersuut tamanut saqqummiunneqarpat taava nunaminertat, illut atortullu kommunimut pilersaarummut tapiliussatut siunnersuummi ilaatinneqartut atorneqarsinnaassanngillat imaluunniit sanaartorfigineqarsinnaassanngillat kommunimut pilersaarummut tapiliussap inaarutaasup aalajangersagartaanik imarisaanilluunniit unioqutitsisumik (*Pilersaarusiornermut inatsimmi § 31*).

Akerliliissuteqarsinnaanermut piffissarititap naanerani akeryliliissuteqartoqarsimangippat kommunalbestyrelsimi nunaminertat kommunimut pilersaarummut tapiliussami ilaatinneqartut atorneqarsinnaanerat kommunalbestyrelsimi akuerineqarsinnaavoq, tamanna kommunimut pilersaarummut tapiliussamut naapertuuttumik unioqutitsinngitsumillu pippat (*Pilersaarusiornermut inatsimmi § 31, imm. 2*).

Inatsisinik atortitsigallarneq atuutissaaq inaarutaasumik kommunimut pilersaarummut tapiliussap akuersissutigineqarnissaata tungaanut – sivisunerpaamilli siunnersuumik tamanut saqqummiussinermiit ukioq ataaseq (*Pilersaarusiornermut inatsimmi § 31, imm. 3*).

1.6.2 INAARUTAASUTMIK INATSISITIGUT SUNNIUTIT

Kommunimut pilersaarutip piviusunngortinneqarnissaanut Kommunalbestyrelse atuutussaavoq, tassunga ilanngullugu nunaminertanik atugassiinerni (*Pilersaarusiornermut inatsimmi § 29*).

Kommunalbestyrelsimi kommunimut pilersaarummut tapiliussaq inaarutaasumik akuersissutigineqarpat tamanullu saqqummiunneqarluni, taava nunaminertat, illut atortullu kommunimut pilersaarummut tapiliussatut siunnersuummi ilaatinneqartut taamaallaat atorneqarsinnaapput imaluunniit sanaartorfigineqarsinnaapput kommunimut pilersaarummut tapiliussami aalajangersakkat naapertorlugit (*Pilersaarusiornermut inatsimmi § 30*).

Immikkulli pisoqartillugu malinninnginnerit annikitsut immikkut ittumik akuersissutigineqarsinnaapput. Malinninnginnerilli annerusut pitillugit tamanna nutaamik kommunimut pilersaarummut tapiliussamik pisariaqartitsissaaq (*Pilersaarusiornermut inatsimmi § 50*).

Nunaminertanik, illunik atortulersuutinillu manna tikillugu atuinerit ingerlaannarsinaapput akerliannilli assersuutigalugu atuinerit allanngortinneqarnerat imaluunniit nutaanik illuliornerit kommunimut pilersaarummut tapiliussamut akerliussanngillat.

Kommunimut pilersaarummut tapiliussap malitsigisaanik imaanngilaq nunaminertat, illut atortulersuutillu pilersaarummiittut sanaartorneqassasut.


2. AALAJANGERSAKKAT

Matumuuna *Pilersaarusionerq aamma nunaminertanik atuineq pillugit Inatsisartut inatsisaat nr. 17, 17. novembari 2010-meersoq* (Pilersaarusionermit inatsit) naapertorlugu Kommunalbestyrelsip aalajangersakkat tullinnguuttut makku aalajangersarpai.


Aalajangersakkat § 20 pingaarnernut aamma § 21 sukumiisunut avitaapput.

Aalajangersakkat tamarmik inatsisitigut pituttuisuupput taamaattorli immikkut ittunik atugassaqartoqartillugu aalajangersakkanit sukumiisunit immikkut ittunik akuersissuteqartoqarsinnaavoq. Pilersaarutip tunngaviusumik imarisai tassaapput aalajangersakkat pingaarnertit taamaattumillu aalajangersakkanit taakkunannga immikkut ittunik akuersissuteqartoqarsinnaanngilaq.

§ 20. PINGAARNERTUT AALAJANGERSAGAAREERSUT	§ 20. AALAJANGERSAKKAT PINGAARNERTIT NUTAAT
NUNAP ILAATA KILLEQARFILERSORNEQARNERA	



Piffimmi killilersukkat imiikkoortortani 3E5-4, G aamma 4B4-1-ip pingajorarterutaanik agguataarneqarpoq.



Titartakkatut ilanngussami 1-imi killilersorneqarpoq takuneqarsinnaasutut. Taamaasilluni piffimmut aalajangersakkat kommunimut pilersaarummut ilassutit 3E5-4 og 4B4-1 peernqarlutik. Piffik immikkoortortanut marluusunut A aamma B avinneqassaaq takutinneqartutut ilassutini 1, 2 aamma 3.

1. SIUNERTAT

Inuussutissarsiutitut suliffeqarfik aamma umiarsualivik

B: Inuussutissarsiutitut suliffeqarfik aamma umiarsualivik

2. ATORNEQARFISSAI	
<p>Nunap ilaa inuussutissarsiuteqarfittut umiarsulivittullu tamanut ammasumik atugassatut inissitaavoq. Ilagitillugu tassani inissiivittut atortussat suliffissatullu sanaartornermi immikkut pisariaqartitaqarfiusumi inissinneqarnissaanik immikkut pisariaqartitalinnut. Illup iluani aallaasinik ooqattaasarfik siullertut illoqarfimmi peqatigiiffimmut atugassanngortinneqassaaq. Peqatigiiffik tamanut ilaasortaanissamik ammasumik atorsinnaatitaanissaanik pisussaatiapput. Siunissami kommuni aalajangersinnaavaa sanaartorfiusinnaasut marluk arfineq pingasullu akornginiittut suliassaqaartitsisunut atugassanngortinnisaanut. Piffimmittaaq kommuni atortunik maskiinanillu inissiisarfittut atortussanngortissinnaavaa, taassumalu kujataatungaaniittoq tikiffissatut aqquteqartussatut tamanullu ammasumik biilnik inissiisarfimmik inuinnaaq peqqissarlutik nunaliarniartunut pilersitsissallutik. Sanaartorfissaq 1, 7 aamma 8 umiarsualivittut taamaallaat umiarsualiveqarnikkut siunertanut talittarfinnik assigisaannillu sanaartortoqarsinnaalersillugu. Sanaartorfissaq 2 - 6 aamma 10, inuussutissarsiutinut tunngasunut siunertallit, sumi allaffissornikkut, sanaartugassanik sulialinnut, suliffeqarfissuarnut, inissiisarfimmik, sanasunut, sannavinnut, sanaartorfinnut aamma usisartunut atorneqarsinnaavoq. Sanaartorfissaq 9, taamaallaat illup iluani aallaasinik ooqattaavittut atorneqarsinnaavoq. Sanaartorfissaq biilit uninngavissai tamanut atugassiatut atorneqassapput. Sanaartukkat najugaqarfittut atorneqaqqusaanngillat. Arealit sanaartornermut suliassaqaarfittu aqquserngiorfissatulluunnit atorneqanngitsut innerisut nunat immikkoortut nikisinneqassanngilat. Arealit sanaartorfiunngitsut torersuutinneqassapput.</p>	<p>Nunap ilaa inuussutissarsiutinut umiarsualiveqarnikkullu atortussatut atugassarititanngussaaq. Kapitali 5 najoqqutaralu mingutsitsisumik suliffimmik pilersitsisoqarsinnaavoq. Inissiivinnik toqqorsivinnik aamma suliaqarfinnik atortussianik suliaqarfimmik aamma sanaartornermik pilersitsisoqarsinnaavoq. Nunap ilaa qaartitersinnaavoq nalimuattunngorlugu aqquserngiorfigalugulu. Qaartitikkat nunaminertalianut talittarfimmut immap itissusaa usingiarfissatut naleqqutlernissaa tikillugu aqquserngiornermullu atorneqarsinnaapput. Nunap ilaata sinua pisariaqartillugu ungalulersorsinnaavoq.</p>

<p>Arealit piffinnut ajoqutaasumik avataaniittunut atorneqarpata Kommunalbestyrelsemit ungalulerneqarnissaanik pisussaatinneqarnissaq naatsorsuutigineqassaaq</p>	
<p>3. SANAARTORNEQ</p>	
<p>Sanaartorfimmi immini illuliarfissaq 50%-imik qaangeeqqusaanngilaq. Sanatitsisoq sanaartorfigiuminarsarnera nammineq akiligassartaanik nammataqassaaq. Sanaartukkat qaleriinni marluusuni suliarineqarsinnaapput. Sanaartukkat nutaat ilusilersornikkut piffimmi nunap inissisimanagera naapertorlugu suliarineqassapput. Pisariaqartinneqarpat immat nalaani nunanngortitsilluni immiinikkut pilersitsisoqarsinnaavoq. Iliqqaaaneq areali nalimuattoq uingalaartunngortinneqassaaq. Iliqqaaaneq Kommuneqarfik Sermersooq-mit pilersaarut akuerineqartoq malillugu suliarineqassaaq.</p>	<p>Piffimmi taamaallaat nunap ilaani inuussutissarsiorluni suliffeqarfimmik, inissiisarfirmmit, sannavimik, allaffissornermi aamma sulisut atugassaannik illuutiniq sanaartorfigineqarsinnaavoq Sanaartukkat qilaavisa qullerpaaffissaraat immat qaavanit 22 meteri tikullugu.</p>
<p>4. INISSAQASSUSEQ</p>	
<p>Nunap ilaa 18 ha-it missaannik annertussuseqarpoq. Sanaartorfissat 1-10-mi maanna kommunimut pilersaarummut ilassummi atuutsinneqarpata naatsorsuutigineqarsinnaavoq nunap ilaa tamakkerluni atorneqalernissaa.</p>	<p>Nunap ilaa 7 hektarit missaanniippoq. Piffik sanaartorfigineqassaaq suliasatut atorneqarnissa malillugu.</p>
<p>5. ERIAGISARIAQARTUT</p>	
<p>Aalajangersimasunik soqanngilaq</p>	<p>Aalajangersimasunik soqanngilaq</p>
<p>6. NUNAMINERTAT PIUMASAQAATITAQARFIUSUT</p>	

<p>Nunaminertat piumasaaqatitaqarfiusut timmisartoqarfiup nalaani piffiit tikinneqaqqusaanngitsut nalimuattut aamma sivinganertat aammattaarlu milernermi qangattalernermilu inissat mittarfiup avataaniittut inissisimapput. Nunap ilaa inissisimavoq piumasaaqatitaqarfiup avataani. Sanaartukkat atortullu aqqusergittaaq portussusissaata annerpaaffii nikerarput apeqqutaallunilu mittarfimmut inissisimara sumiinneri teqqeqquinut qeqqaniillu uuttortarneri apeqqutaapput.</p>	<p>Nunaminertat piumasaaqatitaqarfiusut timmisartoqarfiup nalaani piffiit tikinneqaqqusaanngitsut nalimuattut aamma sivinganertat aammattaarlu milernermi qangattalernermilu inissat mittarfiup avataaniittut inissisimapput. Nunap ilaa inissisimavoq piumasaaqatitaqarfiup avataani. Sanaartukkat atortullu aqqusergittaaq portussusissaata annerpaaffii nikerarput apeqqutaallunilu mittarfimmut inissisimara sumiinneri teqqeqquinut qeqqaniillu uuttortarneri apeqqutaapput.</p>
<p>7. AQQUSINERTIGUT ANGALLANNEQ TEKNIKKIKKULLU PILERSUUTIT</p>	
<p>Nunap ilaa aqqusineq "Siaqqinneqa"-mut nangitsisumik aqquserngiortoqassaaq. Piffimmi immikkoortortamut 4E1-imut atassutilerneqassaaq soorlu takussutissiaq 2 aamma 3-mi takuneqarsinnaasutut. Pisariaqartillugu aqquserngiorneq sanaartorfissaallu teknikkikkut misissuinerit tunngavigalugit - titartakkatut inissititneri pitsaanerpaaffianiinngippata allanngortinneqarsinnaapput.</p>	<p>Nunap ilaa aqqusineq; Niaqornanguamut / Miilup Aqqutaa-mit nangitsisumik aqquserngiortoqassaaq. Pilersaarummi matumani tunngavigalugit aqquserngiortoqassaaq allannguuteqartoqarsinnaavorli piffimmi atortussat, initussutsit naleqatigiissaarnissai pitsaanerit nassaarineqarpata.</p>
<p>8. ILLOQARFIMMIK NUTARTERINEQ</p>	
<p>Aalajangersimasunik soqanngilaq</p>	<p>Aalajangersimasunik soqanngilaq</p>

§ 21. AALAJANGERSAKKAT SUKUMIISUT
1. SANAARTORFISSAT INISSISIMANERAT
Ilanngussami 2 aamma 3-mi takutinneqartutut sanaartorfissat taamaallaat pisinnaapput.
2. ILLUT SILATAASA ISIKKUI
<ol style="list-style-type: none"> 1. Sanaartukkat kipkote 22 immap qaanit sanaartorsinnaapput tamna assigivaa toqqammavimmit illup qaliata qaavanut 14 meterit misaanik portussuseqassasut. 2. Pujoorfiit antenner assigisaallu illuliap ilusaanut ilanngunneqassapput kote 24 qaangeqqusaanagu. 3. Sanaartukkat isikkumikkut sanaartormikkut ikkussormikkut qallersormikkut atortutigullu atornerqarnerinut naleqqussassapput. 4. Qallersuutit qinguartartinnermik utertisinnaanatillu tarrarsorfiusinnaassangillat qalipaateqaratillu sakkortuunik taamaallaallu annikinnerusumik soorlu matut, isaaffiit igalaat sanaartukkallu ilamerngi annikinnerit. 5. Illuliani ataasiakkaani allagartalersuisoqarsinnaavoq suliffeqarfimmut tunngassuteqartunik. 6. Allagartarsuit suliffeqarfiup atia sunillu suliaqarnerinik taamaallaat paasissutisseeqqusaapput.
3. AQQUSERNGIT PISUINNARNULLU AQQUTIT
<ol style="list-style-type: none"> 1. Nunap ilaani soorlu ilanngussani 2 aamma 4-mi takutinneqartutut aqquserngiortoqarsinnaavoq. Aqqusineq toqqammavilersugaq silissuseqassaaq minnerpaamik 5 meterisut silissusilimmik annerpaamillu sivinganera aqquserngup qeqqani 11 %-ulluni. 2. Atorneqarnissaanut naleqquttunik biilnik inissiisarfeqassaaq kommunip pilersaarutaasa maleruagassartai malillugit. 3. Kommuner pilersaarutai malillugit innaallagiamik immiiviit ikkussuunneqassapput.
4. NUNAMINERTAT SANAARTORFIGINEQANNGITSUT SUNNGIFFIMMILU ATORTULERSUUTIT
Aalajangersimasunik soqanngilaq
5. TEKNIKKIKKUT ATORTULERSUUTIT
Aalajangersimasunik soqanngilaq
6. NUNAMINERTAT SANAARTORFIGINEQANNGITSUT

<ol style="list-style-type: none"> 1. Tulusaliorluni tuapaanik sioqqanillu assigisaanik immikkoortiterivinnik pilersitsisoqarsinnaavoq. Taakku betongimik katitertakkanik ikkussorneqarsinnaapput. 2. Atortussanik ungalusani aarlerinangitsumik inissiinerit pissapput taamaasilluni mingutsitsinissamut, sulilluni ajutoornissamut tukattoqarnissaanullu ungalungaartoqarniassammat. 3. Nunap ilaa aqqissuussaasutut peqqissaartumillu isikkoqassaaq. 4. Arealit sanaartorfigineqanngitsut allanullu atorneqartussaangitsut allatut atorneqassanngillat taamaallaat immini inissisimassallutik. 5. Aqqakkanut containerit aamma eqqakkanut aalajangersimasut atugassiat inissinneri Kommuneqarfik Sermersooq-mit akuersissutigisaattut inissineqassapput. 6. Qaartitikkat suliareqqitassaangitsut nunap ilaani aalajangersakkat atorneqarnissaanut malittarisassat malillugit Kommuneqarfik Sermersooq-p pigivai.
7. ERIAGISASSAT
Aalajangersimasunik soqanngilaq
8. PINNGORTITAMI ILLERSORNEQARTUSSATUT SOQUTIGISAT
Aalajangersimasunik soqanngilaq
9. NUNALERINERMIK SOQUTIGISAT
Aalajangersimasunik soqanngilaq
10. ATAATSIMUT ATORTULERSUUTIT
Aalajangersimasunik soqanngilaq
11. NAJUGAQARTUT PEQATIGIIFFIAT
Suliffeqarfiit arlallit nunap ilaani piginneqatigiilluni peqatigiiffilorsinnaapput nunap ilaani piffimmi maleruagassat atuuttut malillugit tamannalu pisortaninngaanniit piffimmut atorneqarnissaanut isumaqatigiinninniarnikkut inississorneqassapput.
12. AVATANGIISINK ARTUKKIINISSAMUT KILLISSAT

Atortussat suliarinerini sananerini inissisimanerinilu ajoqutaasumik pujoralatserinerit pilersaarusi at avataanut pisinnaasat malillugit killilersorneqassaaq.

Nalliuttuni sapaammi nalunaaquttallu 20:00 aamma 06.00 nalaani nipiliomerit piffiup nalaani najugaqartunut ajoqutaasinnaasut pinaveersaartinneqassapput.

Arealimik pisussaaffilikkat akisussaaffigaat mingutsitinerimik nunap ilaani atortussiat inissitanit kinguneqartunik pisoqannginnissaa.


13. ILLUT NUKISSIUUTINIK ATUINIKITSUT

Aalajangersimasunik soqanngilaq

3. AKUERSISSUTEQARNERMI ATSIORNERIT

Matumuuna kommunimut pilersaarummut tapiliussaq 4B7-1 -mut siunnersuut manna Kommuneqarfik Sermersuumi Aningaasaqarnermut Inuussutissarsiornermullu Ataatsimiititamit akuersissutigineqarpoq ulloq 12.11 - 2021 aamma sapaatit-akunnerini arfineq-pingasuni tusarniaassutigineqassaaq.

Kommuneqarfik Sermersooq ulloq. 16.11.21

Kommuneqarfik Sermersooq
Borgmester

Charlotte Ludvigsen
Borgmesteri



Kommuneqarfik Sermersooq
Kommunaldirektør
Ole Jakobsen
Kommunaldirektøri

Siunnersuut saqqummiunneqassaaq ulloq 22.11.2021



ILISARNARATINUT NASSUIAATIT/
SIGNATURFORKLARING

-  Immikkoortoq / Delområde
-  Illut pioreersut / Eksisterende bygninger



KOMMUNEQARFIK SERMERSOOQ
Sanarfinermut Avatangiisinullu Ingerlatsivik
Forvaltning for Anlæg og Miljø




Kommunimut pilersaarummut tapiliusaaq 4B7-1
Kommuneplantillæg 4B7-1


ILANNGUSSAQ 1 / BILAG 1
NUNAP ASSINGA / KORT

Aggusti / August 2021
Uutuut / Mål: 1:5000
A4



ILISARNARATINUT NASSUIAATIT/
SIGNATURFORKLARING

-  Immikkualuttoq / Detailområde
-  Immikkualuttup normua / Detailområde
-  Sanaartorfissat / Byggefelter



KOMMUNEQARFIK SERMERSOOQ
Sanaarfinermut Avatangiiisnullu Ingerlatsivik
Forvaltning for Anlæg og Miljø



Kommunimut pilersaarummut tapiliussaqaq 4B7-1
Kommuneplantillæg 4B7-1


ILANNGUSSAQ 2 / BILAG 2
NUNAP ASSINGA / KORT

Aggusti / August 2021
Uutuut / Mål: 1:2000
A4

0 40 80 120 160 200

ILISARNARATINUT NASSUIAATIT/
SIGNATURFORKLARING

-  Immikkuualuttoq / Detailområde
- B** Immikkuualuttup normua / Detailområde nr.
-  Sanaartorfissat / Byggefelter



KOMMUNEQARFIK SERMERSOOQ
Sanarfinermut Avatangiisinullu Ingerlatsivik
Forvaltning for Anlæg og Miljø


Kommunimut pilersaarummut tapiliussaqaq 4B7-1
Kommuneplantillæg 4B7-1

ILANNGUSSAQ 3 / BILAG 3
IMMIKKUUALUTTOQ / DETAILOMRÅDE

Aggusti / August 2021
Uutuut / Mål: 1:2000

A4

0 40 80 120 160 200



KOMMUNEQARFIK SERMERSOOQ
Sanarfinermut Avatangiisinullu Ingerlatsivik
Forvaltning for Anlæg og Miljø

Kommunimut pilersaarummut tapiliusaaq 4B7-1
Kommuneplantillæg 4B7-1

ILANNGUSSAQ 4 / BILAG 4
PILERSAARUTIT ASSILIARTKIAA / ILLUSTRATIONSPLAN

Aggusti / August 2021
Uutuut / Mål: 1:5000
A4

0 100 200 300 400 500